

ALAVA VIVE DEPORTE FUNDAZIOA

Lehiaketa bidez emango dituen dirulaguntzak arautuko dituzten oinarri orokorrak

1.-Helburua eta aplikazio-eremua.

Alvide Fundazioak lehiaketa bidez emango dituen dirulaguntzak arautuko dituen oinarriak ezartzen ditu dokumentu honek. Dirulaguntzok aurrekontu kredituen kontura ordainduko dira eta sailaren eskumen esparruko jarduerak izango dituzte xede.

Deialdiak hauexek jasoko ditu:

a.- Oinarri arautzaileak ezartzen dituen xedapena, hala badagokio, eta ALHAOko zein aletan argitaratu den, salbu eta oinarriak, bereziak izanik, deialdian bertan jasotzen badira.

b.- Dirulaguntza zein aurrekontu krediturekin ordainduko den eta kreditu erabilgarrien artean dirulaguntzen gehieneko kopurua zein den.

Horrelakorik ezin bada zehaztu, dirulaguntzaren kopurua, gutxi gorabehera, zenbat den.

c.- Dirulaguntzaren gaia, baldintzak eta helburua.

d.- Dirulaguntza lehiaketa bidez emango dela.

e.- Dirulaguntza eskatzeko zein betekizun bete behar den eta betekizun horiek nola egiaztatu behar diren.

f.- Zein organok duten eskumena eskaera izapidetzeko eta ebazpena emateko.

g.- Eskaerak noiztik noiz arte aurkeztu behar diren.

h.- Ebazteko eta jakinarazteko epea.

i.- Eskaerarekin batera aurkeztu behar diren agiriak eta argibideak.

j.- Hala badagokio, eskaerak berriro egiteko aukera, Dirulaguntzen Lege Orokorraren 27. artikularekin bat etorritik.

k.- Ebazpenak administrazio bidearekin amaitzen duen eta, horrela ez bada, zein organotan jarri behar den gora jotzeko erreklamazioa.

l.- Eskaerak baloratzeko irizpideak. Objektibotasuna, berdintasuna, gardentasuna, publizitatea eta diskriminaziorik eza bermatu beharko dute irizpide horiek dirulaguntzak ematerakoan, eta egokia ote den dirulaguntzaren xede den helburua lortzeko jarduera izango da kontuan irizpideok haztatzerakoan, hauexek kontuan hartuta: aurkeztutako proiektuaren edo egindako jardueraren kalitatea, esperientzia edo ibilbidea, berrikuntza, bideragarritasun baldintzak edo, oro har, dirulaguntzaren helburua lortzeko egoki irizten den eta deialdian jasotzen den edozein alderdi.

m.- Jakinarazteko edo argitaratzeko bidea, Herri Administrazioaren Araubide Juridikoari eta Administrazio Prozedura Erkideari buruzko azaroaren 16ko 30/1992 Legeko 59. artikuluari jarraiki.

2.- Printzipio orokorrak.

Printzipio hauek kontuan izanda kudeatuko dira dirulaguntzak:

- Publizitatea, gardentasuna, lehia, objektibitatea, berdintasuna eta diskriminaziorik eza.
- Eraginkortasuna, ezarritako helburuak betetzean.
- Alvide Fundazioa baliabide publikoak efizientziaz esleitzea eta erabiltzea.

3.- Onuradunen betekizun orokorrak.

Dirulaguntza ematea justifikatzen duen egoeran dauden pertsona fisikoak edo juridikoak edo oinarri arautzaile hauetan eta deialdian ezarritako inguruabarrak betetzen dituztenak izango dira onuradunak. Halaber, Dirulaguntzen azaroaren 17ko 38/2003 Lege Orokorrak eta deialdiak ezarritako baldintzak bete beharko dituzte.

Dirulaguntzak eskatzerakoan ondorengo baldintza hauek eta Dirulaguntzen azaroaren 17ko 38/2003 Lege Orokorrak 11. eta 13. Artikuluetan eta Dirulaguntzei eta Transferentziei buruzko 3/1997 Foru Arauak 5. artikuluan ezarritako baldintzak betetzen dituzten erakundeek eta pertsonak eskatu ahal izango dute dirulaguntza:

- Pertsona juridikoak legez eratuta egotea.
- Zerga betebeharrak eta Gizarte Segurantzarekikoak beterik izatea.

Hauek ez dira onuraduntzat joko:

- Dirulaguntza ildo horren aurreko deialdietan emandako dirulaguntzen ondoriozko betebeharrak guztiak bete ez dituztenak.
- Arabako Foru Aldundiko edozein sailen eskumena izan edo sail horiek sustaturiko beste programa batzuen xede berak dituztenak.
- Euskara, Kultura eta Kirol Sailaren aurrekontuetan dirulaguntza onuradunak dituztenak, eta horien bazkideak, baldin eta dirulaguntza izendun horren eta eskatzen den dirulaguntzaren xedea bera bada.
- Dirulaguntzen azaroaren 17ko 38/2003 Lege Orokorraren IV. tituluan araututako arau hausteren bat dela-eta zehatuak izan diren elkarte edo erakundeak, ez eta Emakumeen eta Gizonen Berdintasunerako Eusko Legebiltzarraren otsailaren 18ko 4/2005 Legean jasotakoren bat egiten dutenak ere eta martxoaren 22ko 3/2007 Lege Organikoak, emakumeen eta gizonen egiazko berdintasunerakoak, jasotzen dituzten kasuetan daudenak ere

Dirulaguntza lortzeko beharrezkoak diren baldintza bereziak eta baldintzok nola bete ezarriko du deialdiak.

Zerga betebeharrak eta Gizarte Segurantzarekikoak egunean dituztela egiaztatu behar dute onuradunek, salbu eta egiaztatetik salbuetsita badaude 58/2004 Foru Dekretuak xedatutakoarekin bat etorritik, erakunde eskumendunek emandako egiaztagiria aurkeztuta. Halaber, Dirulaguntzen azaroaren 17ko 38/2004 Lege Orokorrak 13.2 artikuluan jasotako debekuren batek eragiten ez diela egiaztatu behar dute.

4.- Eskaerak aurkezteko epea.

1.-Eskaerak aurkezteko epea deialdian zehaztutakoa izango da eta ezingo da izan hamabost egun baino gutxiagokoa, deialdiak ALHAOn argitaratu eta hurrengo egunetik aurrera zenbatzen hasita.

ALVIDE Fundazioari zuzendutako eskaerak, zeinak deialdiarekin batera eranskin argitaratuko den ereduari egokitu beharko zaizkion, Arabako Kirol Etxeko Atezaintzan (Zerkabarren, 5, behea. 01001, Gasteiz) aurkeztu ahalko dira asteleheneetik ostiralera (jaiegunetan ez), 10:00etatik 13:00etara eta 17:00etatik 19:00etara, salbu eta abuztua bada, hil horretan ordutegia 10:00etatik 13:00etara da eta.

Eskaerek adierazi diren baldintzak betetzen ez badituzte, Alvide Fundazioak interesdunei hamar egun emango dizkie akatsak konpondu edo aurkeztu beharreko agiriak aurkezteko. Hala egiten ez bada, eskabidea artxibatu eta eskaera bertan behera geratuko da.

2.- Nahitaez zehaztu behar da jakinarazpenetarako egoitza.

3.- Dirulaguntzak eskuratzeko eskaerak aurkezteak oinarri hauetan eta kasuan kasuko oinarri espezifikoetan ezarritakoa formalki eta berariaz onartzen dela esan nahi du.

5.- Deialdiaren ebazpena.

1.- ALVIDE Fundazioa izango da prozedura bideratzeko organo eskuduna.

2.- Eskaerak balorazio batzordeak aztertuko ditu, zeina fundazioaren patronatuak izendaturiko hiru pertsonak osatuko duten.

Euskara, Alvide Fundazioak, egoki irizten dion kasuetan, aurkeztutako agiriari buruzko datuak eta azalpenak eskatzeko ahalmena izango du. Espedientea atzeratu, eta are artxibatu egindaiteke, baldin eta datu nahiz azalpen horiek ez badira bideratzen Herri Administrazioen Araubide Juridikoaren eta Administrazio Prozedura Erkidearen 30/1992 Legeak, 4/1999 Legeak aldatutakoak, ezarritako epeetan.

Balorazio batzordeak txostena egingo du, deialdian ezarritako irizpideen arabera aurkeztutako eskaerak erkatu ondoren, eta bertan, egindako ebaluazioaren emaitza eta eskaeren zerrenda zehaztuko da, hala badagokio.

Organo instruktoreak behin-behineko ebazpenaren proposamena egingo du behar bezala arrazoituta, behin espedientea eta balorazio batzordearen txostena aztertu ondoren.

Entzunaldiaren izapidea egin beharrik ez da izango baldin eta prozeduran interesdunak aurkeztutako gertaerak eta alegazioak baino ez badira agertzen eta horiek baino ez badira kontuan hartzen ebazpena emateko; horrelakoetan, ebazpena behin betikoa izango da.

3.- Organo eskumendunak eman beharreko ebazpena emango du, organo instruktoreak proposatuta, sei hilabeteko epean gehienez ere, deialdia ALHAOn argitaratzen denetik aurrera. Epealdi horretan berariazko ebazpenik ematen ez bada, interesdunek ezetsizat jo ahal izango dute eskaera.

4.- Dirulaguntza jasoko duten eskatzaileez eta gainerako eskaera guztien esanbidezko ezezpenaz gain, eskaera guztien zerrenda jaso ahal izango du dirulaguntza emateko ebazpenak; hau da, oinarri arautzaileek onuradun izateko ezarritako baldintza administratibo eta teknikoak bete arren, deialdiak jasotako

kredituaren gehienezko kopurua gainditzeagatik onartu ez diren eskaera guztien zerrenda jaso ahal izango du dirulaguntza emateko ebazpenak, eskaera bakoitzari zenbat puntu eman zaion adierazita, deialdiak jasotako balorazio irizpideen arabera.

Kasu horretan, onuradunen batek dirulaguntzari uko egiten badio, puntuazio hurrenkerako hurrengo eskatzaile edo eskatzaileei ematea dirulaguntza erabakiko du dirulaguntza ematen duen organoak, beste deialdi baten premiarik gabe, baldin eta onuradunak uko egiteagatik nahikoa kreditu eragin bada, ezetsitako eskaeraren bati, behintzat, aurre egiteko.

5.- Baiezkoa bada, ebazpenean datu hauek agertuko dira: dirulaguntzaren zenbatekoa, ordaintzeko modua, laguntzaren xede den programa edo jarduera, aurkeztu beharreko agiriak eta bete beharreko baldintzak. Gainera, onuradunei jakinaraziko zaie, Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legeko 59. artikuluan ezarritakoarekin bat etorritik (urtarrilaren 13ko 4/1999 Legeak finkatutako testua).

6.- Laguntza eman ala ukatu zaien jakinaraziko zaie eskatzaileei, Herri Administrazioen Araubide Juridikoaren eta Administrazio Prozedura Erkidearen Legearen 59. artikuluan jasotzen diren moduei jarraiki.

7.- Ebazpenak administrazio bidea amaitzen du, eta haren aurka berraztertze errekurtsoa aurkeztu ahalko zaio fundazioaren patronatuari, hilabeteko epean.

Zuzenean aurkatu ezean, berraztertze errekurtsoa hilabetean aurkeztu ahalko zaio ebazpena eman zuen organo berari, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen (urtarrilaren 13ko 4/1999 Legeak aldatua) 116. eta 117. artikuluetan xedatutakoaren ildotik.

6.- Dirulaguntzaren zenbatekoa edo dirulaguntza zehazteko irizpideak.

1.- Deialdiek dirulaguntzaren banakako zenbatekoa jasoko dute, dirulaguntzaren xedea kontuan izanda.

2.- Ez badago modurik kopuruak zehazteko, deialdiak ezarriko du zein irizpide objektiboren arabera zehaztu, eta, hala badagokio, irizpideak nola haztatu ere ezarriko du dirulaguntzaren xedea kontuan izanda. Besteak beste, aurrekonturik dagoen kontuan hartu beharko da.

3.- Eskaeren zenbatekoaren bolumena dirulaguntzarako gorde den gehienezko zenbatekoa baino nabarmen handiagoa bada, deialdiak onuradunen artean hainbanatzeko aukera emango du, salbuespenez eta ezarritako betekizunetan gorabeherarik eragiten ez bada, onuradunek eskatutakoaren eta dirulaguntzarako gehienezko kopuruaren arteko aldearen portzentajea.

4.- Ez dute dirulaguntzarik jasoko, kasuan kasuko deialdietan ezarritakoaren arabera baloratuta, 150,00 euro egiten ez duten eskaerak.

7.- Dirulaguntzak zein gasturi eragiten dion eta dirulaguntzen bateragarritasuna.

1.- Oinarri hauek araututako dirulaguntzak egindako gastuetarako izango dira, baldin eta dirulaguntzaren xede den proiektua garatzeko egin badira, eta diruz lagundu daitezkeen kontzeptuak ezarriko dira deialdi bakoitzean.

Diruz lagun daitekeen gastutzat hartuko da argi eta garbi diruz lagundutako jardueraren izaerari erantzuten diona, guztiz beharrezkoa dena eta dirulaguntzen oinarri arautzaileetan ezarritako epean egiten dena.

2.- Ondoko kasuak inola ere ezingo dira diruz lagundu:

- a) Bankuko kontuen interes zordunak.
- b) Interes, errekaratu eta zigor administratibo nahiz penalak.
- c) Prozedura judizialeko gastuak.

Zergak diruz lagun daitezkeen gastuak dira, baldin eta onuradunak diruz ordaintzen baditu.

Zeharkako zergak ez dira inola ere diruz lagun daitezkeen gastutzat joko, berreskuratzeko edo konpentsatzeko modukoak direnean, ezta errentaren gaineko zerga pertsonalak ere.

3.- Dirulaguntzaren xedea kontuan hartuta, deialdi bakoitzeko oinarri arautzaileek dirulaguntzen onuradunek egindako zeharkako gastuen portzentaje jakin bat ezarri ahalko dute eta berau diruz lagundu daitekeela ulertuko da, justifikatu behar izanik gabe, betiere kostu horiek jarduera benetan gauzatzen den aldiari badagozkie.

4.- Dirulaguntzaren zenbatekoa ezin izango da, inola ere, onuradunaren jardueraren kostua baino gehiago izan, beste laguntza batzuekin zein administrazio publiko batzuek edo nazioarteko zein nazioarteko erakunde pribatu batzuek emandako laguntzekin edo bestelako diru sarrerekin batera.

5.- Dirulaguntzei buruzko azaroaren 17ko 38/2003 Lege Orokorreko 31.3 artikuluan ezarritakoa betez, diruz lagun daitekeen gastuaren zenbatekoak gaitu egiten baditu Sektore Publikoko Kontratuei buruzko urriaren 30eko 30/2007 Legean kontratu txikirako ezarritako kopuruak, onuradunak hornitzaile desberdinen hiru eskaintza eskatu beharko ditu gutxienez, obrarako konpromisoa hartu, zerbitzua eman edo ondasuna entregatu baino lehen, salbu eta bere ezaugarri berezien ondorioz merkatuan ez badago erakunde kopuru nahikorik hori egin, eman edo hornitzeko, edo gastua dirulaguntzaren aurretik egin bada.

Aurkeztutako hiru eskaintzak dirulaguntzaren frogagiritan edo, hala badagokio, dirulaguntza eskaeran azaldu beharko dira. Horien artean aukeratzea eraginkortasun eta ekonomia irizpideei jarraituz egingo da eta, aukeratutako eskaintza diru aldetik hoberena ez denean, egindako aukera berariaz arrazoitu beharko da memoria batean.

8.- Ordainketak.

Dirulaguntzaren ordainketa egiteko, beharrezkoa izango da jarduera, proiektua, helburua edo dirulaguntza emateko jarrera hartu izana justifikatzea onuradunak, oinarri arautzaileetan ezarritako baldintzetan.

Dirulaguntza arautzen duen araudiak alde aurretik edo kontura ordaintzeko aukera jaso ahal izango du.

Dirulaguntza emateko ebazpenean adierazten den aurrerakina ebazpena ematen den egunetik aurrera ordainduko da.

Aurrerakinik badago, egindako gastuak, behar bezala zerrendaturik, justifikatu ondoren ordainduko da gainerakoa, eta ordainketa horri aurreko paragrafoan aipatutako "aurrerakina" kenduko zaio. Gastua justifikatzeko ezarritakoaren berdina izango da gastu guztiak justifikatzeko epea.

Ez bada egiaztatzen eskuratutako dirulaguntza justifikatzeko aurkeztutako gastuen ordainketa, justifikatu beharreko aurrerakin gisa ordainduko da dirulaguntza.

Dirulaguntza jasotzea egokitzen den hilabetearen hurrengo otsailaren azken ostirala baino lehen aurkeztuko dira dirulaguntza justifikatzen duten gastuak ordaindu direla egiaztatzen duten agiriak.

Ezin izango da dirulaguntza ordaindu, harik eta onuraduna bere zerga eginbeharretan eta Gizarte Segurantzarekiko eginbeharretan egunean egon ez arte, edo itzulketagatiko zorra ordaindu arte.

9.- Dirulaguntza aldatzea.

Onartu den dirulaguntza berriro aztertu ahal izango da, gastua finantzatzeko beste erakunde batzuek egindako ekarpen osagarriak edo beste diru sarrera batzuk ere erabili direla jakin ondoren. Horrelakoetan, dirulaguntzaren behin betiko gehienezko zenbatekoa diruz lagundutako jardueren diru sarreraren eta gastuen arteko azken likidazioa egin eta hortik ateratzen den emaitza defizitarioa izango da.

Dirulaguntza emateko kontuan hartu diren baldintzak aldatzen badira, eta, edozer dela ere, edozein erakunde publiko edo pribatuk gauza bererako emandako laguntzak edo dirulaguntzak lortzen badira, dirulaguntza emateko ebazpena aldatu egingo da eta dirulaguntzaren zati bat itzuli beharko da. Behin dirulaguntza onartu eta gero, dirulaguntza emateko oinarritzat hartu zen benetako egoerak dirulaguntza hori aldatu beharra badakar, ALVIDE Fundazioak dirulaguntza alda dezake, onuradunak modu arrazoituan hala proposatuta, eta eman beharreko ebazpenaren bidez.

10.- Justifikazioa.

1.- Dirulaguntzen onuradun diren erakundeek, deialdiari dagokion urteko abenduaren 30a baino lehen, deialdian beste epe bat ezartzen ez bada, baina beti deialdiaren urtearen barruan, instrukzio organoaren aurrean justifikatu beharko dute dirulaguntza emateko ekitaldian aurreikusi ziren helburuak lortu eta ezarritako baldintzak bete dituztela.

2.- Orokorrean, onuradunaren justifikazioa gastu frogagiridun justifikazio kontua izango da, azaroaren 17ko 38/2003 Legeko Araudiko 72. artikuluari jarraiki.

a).- Diruz lagundutako jarduerak eragindako gastuak zurituko dituzte, behar bezala zerrendatuta. Dirulaguntza kalkulatzeko oinarri hartutako zenbateko osoa adina diruz lagundutakoek, sortutako gastuen eta sarreraren fakturak edo balio bereko agiriak, memoriak eta balantzeak aurkeztuko dituzte. Aurkeztutako gastu kopuruak eskaerarekin batera adierazitako aurrekontuaren parekoa izan beharko du. Aitzitik, 500,00 euro baino gehiagoko fakturak aurkeztuz gero, ordaindu egin direla egiaztatu beharko da.

Gastuak justifikatzeko ez dira onartuko ondoko datuak argi eta garbi azaltzen ez dituzten ordainagiri edota fakturak:

- Jaulkitzailea, berorren izena edo sozietatearen izena eta NANA edo IFZ
- Hartzailea, berorren izena edo sozietatearen izena eta NANA edo IFZ
- Gastuaren xedea.
- Data.
- Faktura zk.

Era berean, PEFZari (Pertsona Fisikoen Errentaren gaineko Zerga) buruzko araudia betetzen ez duten faktura eta ordainagiriak ez dira onartuko gastuak justifikatzeko.

Fakturak ordaindu direla frogatzeko, agiri hauek onartuko dira:

— Bankuko jatorrizko ziurtagiria; bertan agertuko dira, gutxienez, zenbatekoa, data eta ordainketaren

edo transferentziaren onuraduna. Ziurtagiri hori izenpetuta aurkeztuko da, eta/edo bankuaren zigilua daukala.

— Jatorrizko fakturaren jaulkitzaileak sinatutako eta/edo zigilatutako ziurtagiria; bertan agertuko

dira faktura zenbakia, zenbatekoa eta ordainketa data.

— Posta arruntez jasotako banku laburpenak, jatorrizkoak.

— Kontu korronteen libreten kopia konpultsatua, mugimenduak ageri dituen.

— Posta elektronikoz jasotako banku laburpenak edo transferentzia agindu telematikoak, ordainketa edo transferentzia egin duen bankuaren zigiluarekin.

— Jatorrizko erosketa txartelak, zenbatekoa ordaindu dela egiaztatzen dutenak (merkataritza guneeetakoak, autobidekoak, bidaia txartelak eta abar) edo jatorrizko fakturak, empresa jaulkitzaileak jarritako zigiluarekin, ordainduta daudela adieraziz.

Urriaren 29ko 7/2012 Legearen 7. artikulua betetzeko, ez dira onartuko 2.500 euro (edo horren kontrabalioa atzerriko dirutan) edo gehiagoko eragiketen eskudiruzko ordainketak.

Aurreko paragrafoan adierazitako zenbatekoa kalkulatzeko, hau da, 2.500 euro edo horren kontrabalioa kalkulatzeko, ondasun ematea edo zerbitzu ematea zenbat eragiketa edo ordainketatan zatitu den, horien guztien zenbatekoak batuko dira.

Aurkeztutako jatorrizko egiaztagiriei zigilu marka jarriko die dirulaguntza izapidetzen duen unitate organikoak, eta bertan justifikatutako eta eskatutako dirulaguntza agertu beharko da, baita egiaztagiriaren zenbatekoa dirulaguntza osoari edo zati bat egozten zaion ere. Azken kasu horretan, diruz lagundutako zenbateko osoa ere adieraziko da.

Dirulaguntza kalkulatzeko oinarri hartu den gastuen aurrekontu osoa ez bada justifikatzen, dirulaguntza jaitsi egingo da gastu txikienaren proportzioan.

b).- Diruz lagundutako jardueraren edo jardueren gastu eta diru sarreren balantzea.

c).- Diruz lagundutako jarduera edo jardueren txostena.

d).- Dirulaguntzen Lege Orokorraren 31.3 artikulua aplikatuta, onuradunak eskatutako hiru aurrekontuak.

e).- Gastuen zerrendan sartutako kostu orokorrak edota zeharkakoak banatzeko irizpideen adierazpena, hala badagokio, a) atalean aipatutakoari jarraiki, salbu eta dirulaguntzaren oinarri arautzaileetan oroharreko konpentsazioa aurreikusi bada, justifikatzeko beharizanik gabe.

f).- Hala badagokio, aplikatu ez diren geldikinen ateratzearen ordainketa gutuna, baita horietatik eratorritako interesak ere.

3.- 60.000,00 eurotik beherako dirulaguntzetarako, justifikazioa justifikazio kontu sinplifikatua aurkeztuta egiteko ezarriko ahalko du deialdiak, azaroaren 17ko 38/2003 Legeko Araudiko 75. artikuluan araututako eran.

Justifikazio kontu sinplifikatua honakoek osatuko dute:

1.) Dirulaguntza ematerakoan ezarritako baldintzak bete direnaren memoria justifikatiboa. Bertan burututako ekintzak eta eskuratutako emaitzak agertuko dira.

2.) Jardueraren gastuen eta inbertsioen zerrenda sailkatu bat. Zerrendan hartzekoduna, gastuen agiria edo ordainagiria, zenbatekoa, jaulkipen data eta, hala badagokio, ordainketaren data identifikatu behar dira.

3.) Diruz lagundutako jarduna finantzatu duten bestelako diru sarrera eta dirulaguntzak. Zenbatekoa eta jatorria adieraziko da.

4.) Hala badagokio, aplikatu ez diren geldikinen ateratzearen ordainketa gutuna, baita horietatik eratorritako interesak ere.

Dirulaguntza ematen duen organoak nahi dituen justifikazio guztiak egiaztatu ahal izango ditu deialdian ezartzen diren laginketa tekniken bitartez, dirulaguntza behar bezala aplikatu den argitzeko. Horretarako, hautatzen dituen gastu frogagiriak aurkezteko eskatu ahal izango die onuradunei.

4.- Diruz lagundu daitekeen jardueraren xedea unitate fisikoen edo beste parametro batzuen arabera neur daitezkeen jarduerak egiaztatzea bada, moduluka justifikatu ahal izango dira gastuak, salbuespenez, dirulaguntza eman izanaren arrazoiak modu frogagarrian egiaztatuta, eta hala badagokio, dirulaguntzaren justifikazioa dirulaguntzaren xedeari aplikatuko zaio.

Dirulaguntza justifikatzeko, jardueraren memoria eta memoria ekonomikoa aurkeztuko dira, azaroaren 17ko 38/2003 Legeko Araudiko 78.2 artikuluan aurreikusitako edukia jasota.

5.- Dirulaguntzak justifikatzean baliabide elektronikoak, informatikoak eta telematikoak erabilera arautzen duen uztailaren 17ko EHA/2261/2007 Aginduan xedatutakoarekin bat etorritik, justifikatzeko modu gisa erabili ahal izango dira faktura elektronikoak.

Gainera, faktura elektronikoak aurkezten badira, Factura-e eta Ef4ktur motako estandarretara egokitu beharko da beraien formatua. Sinadura elektronikoa duen beste edozein agiri aurkeztekotan, 11/2007 Legeak, Administrazio Elektronikoaren esparruan Elkarrera gingarritasun Eskema Nazionala arautzen duen urtarrilaren 8ko 4/2010 Errege Dekretuarekin bat etorritik, xedatutako @firma plataformaren bidez egindako ziurtagiriak onartuko dira (http://www.dnielectronico.es/seccion_aapp/rel_autoridades.html).

6.- Adierazitako epea igaro eta agiri horiek aurkeztu ez badira, ordainketa kredituak baliogabetu egingo dira, eta “konturako ordainketa” gisa jasotako dirua itzultzeko espedienteari emango zaio hasiera.

11.- Dirulaguntzen aldiberekotasuna eta bateragarritasuna.

Beste administrazio batzuek zein nazioko edo nazioarteko beste erakunde publiko edo pribatuek emandako beste dirulaguntza batzuk jasotzea onartu ahal izango du deialdiak, baldin eta dirulaguntzaren zenbatekoa, bera bakarrik edo beste dirulaguntza batzuekin batera, ez bada diruz lagundutako jarduera baino gehiago edo ez badu eragiten eskatutako finantzazioa jaisterik, hala badagokio, diruz lagundutako jarduera aurrera ateratzeko.

12.- Alvide Fundazioaren babesa.

Dirulaguntzen onuradunek argi eta garbi adierazi beharko dute egitarauetan Arabako Foru Aldundiko Alvide Fundazioaren laguntza dutela, iragartzeko karteletan, argazkietan nahiz diruz lagundutako programa edo jarduera dela eta argitaratzen diren gainerako material idatzi zein entzunezkoetan. Horretarako, Euskal Autonomia Erkidegoko bi hizkuntza ofizialak erabili behar izango dira.

13.- Dirulaguntza itzultzea.

Era berean, jasotako dirulaguntzak itzuli egin beharko dira Arabako Lurralde Historikoko Dirulaguntzei eta Transferentziei buruzko 3/1997 Foru Arauak, Dirulaguntzen azaroaren 17ko 38/2003 Lege Orokorrak eta uztailaren 21eko 887/2006 Errege Dekretuak Dirulaguntzen azaroaren 17ko 38/2003 Lege Orokorraren arautegia onartzekoa– xedatzen dituzten egoeretan.

14.- Egiaztatzea.

ALVIDE Fundazioko lehendakariak deialdi hau garatzeko egoki irizitako ebazpenak emango ditu, dirulaguntza izapidetuko duen unitate organikoak hala eskatuta, eta ekintzak burutu ditzake datuak eskatzeko nahiz benetakoak direla eta oinarri hauetan arautzen dena betetzen dela egiaztatzeko. Horretarako, onuradunek berek egiten dituzten jardueri buruz Alvide Fundazioak eskatzen dizkien datu eta agiri guztiak aurkeztu beharko dituzte. Era berean, Ogasun, Finantza eta Aurrekontu Sailak, Kontuen Epaitegiak edo beste erakunde eskudun batzuek eskatutako informazioa ere emango dute.

15.- Erantzukizunak.

Programa eta/edo jarduera egiteak eragin dezakeenaren erantzule izango dira onuradunak eta indarrean dagoen legediak ezartzen dituen baimenak eskatu beharko dituzte.

16.- Interpretazioa.

Oinarri hauek interpretatzean zalantzarik sortzen bada, zalantza hori Alvide Fundazioak argituko du.

17.- Aplikatu daitekeen araudia.

Oinarri hauetan xedatu ez den edozertarako, honako arau hauek aplikatuko dira: Arabako Dirulaguntzei eta Transferentziei buruzko 3/1997 Foru Araua; Dirulaguntzei buruzko azaroaren 17ko 38/2003 Lege Orokorra; uztailaren 21eko 887/2006 Errege Dekretua –Dirulaguntzei buruzko azaroaren 17ko 38/2003 Lege Orokorraren arautegia onartzekoa–; Arabako Aurrekontuen Erregimen

Ekonomikoari buruzko abenduaren 18ko 53/1992 Foru Araua; aurrekontuen antolamenduari buruzko indarreko foru araua; Herri Administrazioen Araubide Juridikoaren eta Administrazio Prozedura Erkidearen 30/1992 Legea (urtarrilaren 13ko 4/1999 Legeak emandako idazketa) eta aplikagarri diren gainerako arauak.